

## 見寶塔品第十一

### 第一章：略解品目及大意

佛體所居名塔，衆寶所成故名寶塔。又此塔爲多寶佛所居，故名寶塔。見者顯現也，又見即是看見；所顯所見多寶佛塔，故名見寶塔。

本品大意：(一)本品文內除現見多寶塔外，並有本師的十方分身佛聚集，及三變淨土等事。但以衆見多寶佛塔生希有心而發起，又因多寶如來涌塔證信法華之本願爲先，故以見寶塔立品名。(二)本品正意，是本師唱滅，募人宏通妙法，故以多寶如來出現聽經，密證本迹的因緣，勸發凡有聞此經者，對於持經功深，宏宣力大，應生深信。(三)上來今佛三周說竟，三根授記，更通記佛世及滅後，聞經隨喜皆得成佛，此乃諸佛出世之大事因緣；故假過去多寶佛及現在十方佛，同會證明，令信今佛所說所記不虛。如塔中歎言：善哉！善哉！如所說者皆是真實。(四)法華經所說淨心實相，喻如多寶塔。諸佛三身四土皆從此生，諸佛於此而坐道場，諸佛於此而轉法輪，諸佛於此而般涅槃。祇此一心實相，即是三世諸佛之四種塔，先佛已居，今佛並坐，當來佛亦然。四衆皆見寶塔出現，利根人見寶塔即見

一心實相也。(五)本師既開塔已，入塔並坐，大聲普告，勸募宏經，聲徹地下，召本弟子，從地涌出，此即後文開迹顯本之前方便。(六)此久遠之多寶佛塔，從地涌出，即是揭開一心有自在神通之力，顯過去世嚴土熟生之功。多寶佛在塔中發大音聲，即是揭開一心有師子奮迅之力，顯現在世開權顯實之用。多寶佛有大誓願：「未來諸佛若說此經，我之寶塔皆現其前，爲作證明。」即是揭開一心有威猛大勢之力，顯未來世常住不滅之利益。如此揭開一心而三世利生之功用，即是開示佛之知見也。(七)佛授三根聲聞之記，將來俱在淨土成佛，恐聞者未能悟入淨穢不二之淨心；本師特即娑婆而三變淨土，示染淨相即，平等不二之相。令目擊道存，當下頓悟不生不滅，不垢不淨，不增不減之一心實相也。(八)衆見寶塔莊嚴，及聞塔出音聲，又得覩三變清淨佛土，暨十方諸佛集座之相，如是種種妙相，是爲有相教。可是能見所見之相，不出一心緣起，此心無相，畢竟空寂，是爲性空教。一一法皆自性空寂，亦皆可顯莊嚴之相，空有不礙，是爲非空非有中道教。若人能見心性清淨，萬法唯心，諸相無相，而又相相無邊，是爲真見一心實相，此即入佛知見之中道相矣！(九)以觀心來說：地喻衆生心，寶塔喻如來藏，自性清淨心。衆生心爲無始無明煩惱所覆，所以如來藏，自性清淨心無由顯現。今既聞

三周說法，開方便門，示真實相。復於法師品起自利利他之行，由是藏性淨心，於覆障中顯現，此即寶塔從地涌出之義。見者，以始覺之智見本覺之如來藏清淨心，亦即在人人心地中開顯本具之藏性淨心也。(十)以因緣釋者：阿難傳持佛法，以同聞爲證勸信。本師傳持法華，則以過去多寶佛現身爲證，十方諸佛同會勸信，令衆生知此法華非同餘經，豈可不尊重信受奉行耶！(十一)前面法師品，已示宏通妙法之方軌要行，今品則明成佛須經多劫修因，全憑願力攝持不失。故舉多寶如來作示範，以願力故，於無量時空中，從地涌出，勸信流通妙法。(十二)法華論云：此經爲示三平等義——一、乘平等，即前三周說法三根授記是。二、生死涅槃平等，即今品所見多寶佛塔，本無生死涅槃之可言，亦不妨現有生死涅槃之相。三、佛身平等，即此品以本師一佛身攝十方分身諸佛身，亦顯自身（本師）他身（十方佛）無異。爲明後二種平等，故有此品。

## 第二章：隨文解釋

### 丁一、讚美人法

#### 戊二、證說

#### 己一、密證本迹以勸宏

#### 庚一、長行

#### 辛一、現塔證經

#### 壬一、現塔

爾時，佛前有七寶塔，高五百由旬，縱廣二百五十由旬，從地涌出住在空中，種種寶物而莊校之。五千欄楯，龕室千萬，無數幢幡以爲嚴飾，垂寶瓔珞，寶鈴萬億而懸其上，四面皆出多摩羅跋栴檀之香充徧世界。其諸幡蓋，以金、銀、瑠璃、磤磤、瑪瑙、眞珠、玫瑰七寶合成，高至四天王宮。

法華論說：「多寶塔者，示現如來舍利住持故。」此謂佛舍利全在塔中，表佛法身全在此經；故寶塔涌出，即三寶住世之意。古佛多寶如來在塔中親來聞法，更可以證明一體三寶之勝妙。「爾時」，即佛說完迹門正宗之時，也就是本師將要唱滅，募人宏通妙法之時。「佛前」，即法華會衆之前。「七寶塔」，喻如來藏心，亦即自性清淨心。「高五百由旬」，喻此淨心與衆生染心不相應，法爾與染心不和合，高超出五趣衆生染心之外，能起一切清淨依正二報。又五百由旬即二萬里，表一乘之因果，萬行爲因，萬德爲果。「縱廣二百五十由旬」表此藏

心淨心即爲二十五有之真實體。又二百五十由旬即一萬里，表此淨心有萬善莊嚴，不同二乘所證素法身也。「地」，喻衆生無明心地，無明無性，體即淨心。「從地涌出」，喻無破而破煩惱障所知障而顯現藏心淨心。又表佛涅槃已出生死，乃無出而出，故今還處世以利羣生，生死涅槃二無異故。又喻今說法華乃一乘實教，超出昔說二乘權教故。「住在空中」，喻此藏心淨心，無住而住，依於真空實相，即無相無不相的第一義空而住。寶塔從地涌出住在空中，此亦證前起後。證前者，七方便人，無明所覆，未見如來藏性，自性清淨心，如塔在地。今聞三周說法，開權顯實。了知無明實性即佛性，幻化空身即法身，開佛知見，顯出法身，如塔涌出也。起後者，法身本具，佛久已成佛，衆所不識。若一經發迹顯本，如開塔見佛，了達無疑，此即起後壽量品也。「種種寶物」而莊嚴校飾之，這是總歎莊嚴，「五千欄楯」以下是別歎莊嚴。衆寶外嚴寶塔，內嚴諸佛法身及法華經；此表淨心法身，有種種大乘功德寶而爲莊嚴，也就是表以萬行萬善之因華，以莊嚴萬德之佛果。「五千欄楯」，表信進念定慧五力，亦表諸深總持之功德。「龕室千萬」，表慈悲喜捨四無量心的慈悲室。「幢幡」，表智德高勝。「瓔珞」，表十住十行十回向十地之戒定慧功德。亦表有柔忍衣，上嚴法身，下被衆

生也。「寶鈴」，表佛的八音四辯。「四面出性無垢栴檀之香」，表無作四諦道風，吹出大涅槃常樂我淨之功德香。又喻佛的三輪不思議化，充徧世界，使一切衆生轉惡爲善，轉染爲淨，成就無垢功德之香。旛蓋以七寶合成，表具七聖財而饒益有情。高至四天王宮，表一切功德皆窮無作四諦之理，高出四十賢聖之上。

**三十三天兩天曼陀羅華供養寶塔，餘諸天，龍，夜叉，乾闥婆，阿修羅，迦樓羅，緊那羅，摩睺羅伽，人非人等千萬億衆，以一切華，香，瓔珞，旛蓋，伎樂供養寶塔，恭敬尊重讚歎。**

三十三天即忉利天。餘諸天，即其餘欲界色界天。還有八部鬼神，人非人等，各以一切華香等，供養寶塔。約表法說，十住十行十向三賢位爲三十，十地，等覺，妙覺三聖位爲三，是爲三十三天。其餘天龍人非人等，即一切內外凡夫，同依淨心爲體。種種供養寶塔，是表十法界還歸向於一心。所謂「無不從此法界流，無不還歸此法界。」一心法界之實相境，全盤現出矣！

### 壬二、證經

**爾時，寶塔中出大音聲，歎言：善哉！善哉！釋迦牟尼世尊，能以平等大慧教菩薩法，佛所護念，妙法華經，爲大眾說。如是**

**如是！釋迦牟尼世尊，如所說者，皆是真實。**

此多寶如來讚歎本師，及證經妙德也。善哉！善哉！雙歎證法與教法，能說與所說，不但契理契機，而且有善巧方便，既能由實施權，又能開權顯實。「能以平等大慧」，即讀本經四一的平等要旨。理一：是衆生與諸佛平等具有的自性清淨心，亦名如來藏，佛性，究竟平等。教一：是十二分教皆入一佛乘，一切法皆是佛法，無有高下，究竟平等。行一：是世出世善皆爲菩薩道，舉手低頭，一稱佛名，皆成佛道，究竟平等。人一：是諸佛但教化菩薩，無聲聞弟子，令凡有聞法者，無一不成佛，究竟平等。大慧者，謂此四一即是一心的體相用；理是體，教行是相，人是用，皆是盡虛空徧法界，唯佛與佛乃能究竟了達，故名大慧。佛以此慧，爲衆生說種種法，令衆生同得開示悟入四一；所以無有一法非是教菩薩成佛之法。「如是如是，皆是真實」者，能如所證淨心便是；心性自清淨是眞，諸法唯一心是實。又能如衆生根性便是；衆生即非衆生，假名衆生是眞，衆生根性欲願不同是實。能如衆生根機說種種法便是，同歸於一心一乘證法，無有差別，皆是眞實。本師能如是施權，如是顯實，契理而又契機，皆是眞實，此正多寶如來證經也。再說，如是如是，即指諸法性空緣起之十如是，決定此有故彼有

，皆是眞實。

## 辛二、開塔見佛

### 壬一、請見多寶

#### (一)四衆疑問

爾時，四衆見大寶塔住在空中，又聞塔中所出音聲，皆得法喜，怪未曾有，從座而起，恭敬合掌，卻住一面。爾時，有菩薩摩訶薩名大樂說，知一切世間天，人，阿修羅等心之所疑而白佛言：「世尊！以何因緣，有此寶塔從地涌出，又於其中發是音聲？」

此謂四衆八部見塔聞聲驚疑，心中要請佛說明因緣，而由大樂說菩薩代表出言請問。「皆得法喜」者，見寶塔涌出發聲，開佛知見，領前開權顯實之事理，故得法喜充滿也。「怪未曾有」者，不僅現見寶塔，怪未曾有，而密指本師在後壽量品開迹顯本，更是怪未曾有也。「大樂說」，此菩薩具足四無碍辯，常樂演說大乘實相法，故立此名。今以其代表請問大乘實相義理，其問有三：一問何因有此塔？二問何故從地涌出？三問何故發是音聲？

#### (二)如來正答

爾時，佛告大樂說菩薩：此寶塔中有如來全身，乃往過去，東方無量千萬億阿僧祇世界，國名寶淨，彼中有佛號曰多寶。其佛行菩薩道時，作大誓願：若我成佛滅度之後，於十方國土，有說法華經處，我之塔廟，為聽是經故，涌現其前為作證明，讚言善哉。

此正答所問：一、依多寶佛之本願而有此寶塔，涌現佛前。二、塔中有如來全身，即是法身；法身出纏，故從地涌出。三、多寶如來為證經現塔，故塔中出音聲讚歎善哉。

### 三) 塔涌因緣

彼佛成道已，臨滅度時，於天人大眾中告諸比丘：我滅度後，欲供養我全身者，應起一大塔。其佛以神通願力，十方世界，在在處處，若有說法華經者，彼之寶塔皆涌出其前，全身在於塔中，讚言善哉善哉。大樂說！今多寶如來塔，聞說法華經故從地涌出，讚言善哉善哉。

本師說明所以有多寶塔及其涌出因緣，乃由多寶佛滅度時，救命弟子起塔，

此即有塔之因緣。彼佛以本願力及大神通力，所以能在十方世界，只要有佛講法華經處，彼塔涌現聽經證經，此即涌出之因緣。彼佛聞經歡喜，而證明所說真實不虛，故雙讚善哉善哉，此即塔中發出音聲之因緣。

釋大乘論說：多寶佛不得說法而取滅度。南嶽大師云：彼佛告諸比丘，比丘即受化之人，何謂全不說法。當是但得說三乘方便法，不得說一乘真實之妙法，故云不得說法耳。以是義故，雖復滅度，在在處處，有說法華，便皆隨喜作證。

### 四) 請見多寶

是時大樂說菩薩，以如來神力故白佛言：世尊！我等願欲見此佛身。

此明請見多寶佛身。謂我今得如來神力之所加被，才有為一大事因緣故請見佛身。何為大事因緣？開塔須集十方分身諸佛，佛集同為付囑安通，因付囑而召下方之久遠弟子，弟子出即應開近顯遠，開佛迹身顯本法報身，此乃最殊勝之大事因緣，非有如來神力所加，我大樂說何能啓問。以下放光、集佛、變土、開塔、見佛等，悉由此問而有也。

## 壬二、普集分身

## 癸一、應集分身

佛告大樂說菩薩摩訶薩：是多寶佛有深重願，若我寶塔爲聽法華經故，出於諸佛前時，其有欲以我身示四衆者，彼佛分身諸佛在於十方世界說法，盡還集一處，然後我身乃出現耳。大樂說！我分身諸佛在於十方世界說法者，今應當集。大樂說白佛言：世尊！我等亦願欲見世尊分身諸佛，禮拜供養。

應集分身諸佛，乃可開塔，此是多寶佛本願。亦正密示諸佛本地法身功德難思，源遠流長，分身既橫遍十方，本地寧不豎超塵劫耶！多寶如來所發深重本願——若欲以我身示四衆者，彼分身諸佛盡還處一處，我身乃現。我身即圓明淨妙，常徧真實之如來法身。欲以此法身示四衆，但法身無形無相，如何能示？所以十方分身佛還集，乃見法身，即是顯示佛的三身無異，亦顯示一切佛的法身與一切法無異，一念（法身）三千（十法界諸法），三千一念，常同常別。一佛即一切佛，一切佛即一佛。此一佛爲主，十方諸佛即爲分身佛。彼一佛爲主，此佛及十方佛又爲彼一佛之分身。從體起用，由法而化，一爲無量。攝用歸體，化身即法身，無量爲一。互攝互融，普集分身，法身出現，乃一心萬行，萬行一心的實相

境也。大樂說白佛以下，是重請見多寶，並欲見分身諸佛，即是請見三身佛，亦即請見一心法界也。

## 癸二、放光遠召

爾時，佛放白毫一光，即見東方五百萬億那由他恆河沙等國土諸佛。彼諸國土，皆以玻璃爲地，寶樹，寶衣以爲莊嚴，無數千萬億菩薩充滿其中，徧張寶幔，寶網羅上。彼國諸佛，以大妙音而說諸法。及見無量千萬億菩薩，徧滿諸國爲衆說法。南西北方四維上下，白毫相光所照之處，亦復如是。

「白毫」是卅二相之一，在兩眉中間，喻中道之一乘，也表中道之自性清淨心。蓋此淨心，能發無相無不相的中道慧光，徧照十方無量諸佛國土，普召十方無量分身諸佛，同會靈山，證信妙法，付囑宏通。上根人即事見理，便可頓悟一爲無量，無量爲一的中道實相。從「彼諸國土」至「寶網羅上」，是說明無量分身諸佛所居國土，皆是淨土。這是顯示一乘與淨心的實相境，有種種衆寶莊嚴，一乘因果中，具有萬德莊嚴故。在旁的布幕稱爲帷，在上方的布幕稱爲幔。寶幔則非是布，而是七寶所成。「羅上」，謂張羅覆蓋其上，即懸掛幔網在上方空中

。從「彼國諸佛」至「爲衆說法」是明諸佛說法，菩薩助化。南西北以下，是舉九方例同東方，故曰復亦如是。當知：諸佛多居淨土，惟本師居此娑婆，乃是穢土。在娑婆成佛而說法華，實是難中之難。正因爲是穢土，所以本師必須爲實施權，又因施權，所以必須開權顯實，由此顯實，方可見得本師說法教化之妙。一代時教，從始至終，全由此經說無不盡，可謂蓮出淤泥，所以多寶如來雙讚善哉善哉！又復應知：此土佛說法華，十方諸佛既來與欲開塔，其他十方國土，有說法華經處，諸佛及本師亦必同往與欲開塔，是則淨穢交徹，彼此不分，常同常別，常別常同，一乘實相之旨，法界無礙之宗，昭昭在視聽間矣！

### 癸三、諸佛言來

爾時，十方諸佛各告衆菩薩言：善男子！我今應往娑婆世界釋迦牟尼佛所，並供養多寶如來寶塔。

### 癸四、嚴淨國土

#### 子一、初變淨土

##### (一)變土延賓

時娑婆世界即變清淨，瑠璃爲地，寶樹莊嚴，黃金爲繩以界八

道，無諸聚落、村營、城邑、大海、江河、山川、林藪。燒大寶香，曼陀羅華徧布其地，以寶網幔羅覆其上，懸諸寶鈴。唯留此會衆，移諸天人置於他土。

娑婆原是穢土，今以佛的無作福智妙用，即變爲淨土。又不只一次變，一而再，再而三。這三變淨土之事相，是爲延請十方分身諸佛來此而設。約三變之理說，即是生佛同具的一心，皆法爾有三能變。在衆生分上，此同體的一心，名爲染污八識，有三能變，所變現的即是六道生死輪迴染污的依正果報。在諸佛分上，名爲眞如淨心，亦有三能變，所變現的即是三乘聖賢清淨莊嚴的依正果報。生佛平等的心體無差，而隨緣起用（變）有別，苟能達染順淨，則在在處處，無非淨土。古德說過：「山河及大地，盡是法王身。」轉染爲淨，轉凡成聖的關鍵，就在人人一心隨緣起用之間啊！

所變淨土約表法說：瑠璃爲地，表心地清淨。寶樹莊嚴，表淨身。黃金爲繩以界八道。金表中道，繩表四弘，以界八道，表以中道四弘修入正道的淨業。無諸聚落，表五陰空。無村營城邑，表六入，十二處，十八界空。無大海表生死苦果空。無江河，表無始來的生死業空。無山川林藪，藪音叟，即叢草之處，表五

住煩惱空。燒大寶香，表得戒法身。曼陀羅華，此云適意華，適意表得定法身，華表得慧法身。寶網幔，表無作四無量心覆蔭衆生。寶鈴，表具四無礙辯。移天人置他土，表純是菩薩，不雜他衆。

### (二) 諸佛集坐

是時，諸佛各將一大菩薩以爲侍者，至娑婆世界，各到寶樹下。一一寶樹高五百由旬，枝葉華果次第莊嚴。諸寶樹下皆有師子之座，高五由旬，亦以大寶而校飾之。爾時，諸佛各於此座結跏趺坐。如是展轉，徧滿三千大千世界，而於釋迦牟尼佛一方所分之身猶故未盡。

「寶樹」，即七寶所成之菩提樹。「高五百由旬」，喻出過五趣衆生及五乘弟子之上，亦喻一乘因果，乃超過五乘佛法之因果。「枝葉華果」，枝喻戒，葉喻定，華喻慧，果喻解脫及解脫知見，此即喻五分法身。「次第莊嚴」，喻由戒生定，因定發慧，有慧得解脫，這是必經之次第。「師子座」，即諸佛說法之法座。「五由旬」，即二百里，此喻二諦各有百法，無不明了。佛所證是二諦的百法明門，所說亦二諦之百法也。「大寶校飾」，喻成就大乘無量功德寶而莊嚴校

飾法座，此座即第一義空座，乃空而不空，有無量功德莊嚴妙用。本師所有一方分身之佛都來集坐，徧滿此土大千世界，還容納不下，故曰猶故未盡。一方既爾，十方亦然，此即淨心三變，一爲無量，無量爲一的實相境界也。

### 子二、再變淨土

時釋迦牟尼佛，欲容受所分身諸佛故，八方各更變二百萬億那由他國，皆令清淨，無有地獄、餓鬼、畜生、及阿修羅，又移諸天人置於他土。所化之國，亦以瑠璃爲地，寶樹莊嚴，樹高五百由旬，枝葉華果次第嚴飾。樹下皆有寶師子座，高五由旬，種種諸寶以爲莊校。亦無大海、江河、及目真鄰陀山，摩訶目真鄰陀山，鐵圍山、大鐵圍山、須彌山等諸山王，通爲一佛國土。寶地平正，寶交露幔徧覆其上，懸諸幡蓋，燒大寶香，諸天寶華徧布其地。

國者，指一佛國土，即是大千世界。本師初變一個大千世界爲淨土，再變八方各二百萬億億，即有一千六百萬億大千世界淨土，三變有三千二百萬億那由他的大千世界淨土。世界既大，分身亦多，有如華藏世界海，重重無盡也。「目



「真鄰陀山」，此云石山，喻欲界見惑，邪執如石之堅，僞慢如山之高。「摩訶目真鄰陀山」，即大石山，喻色與無色界之見惑，較欲界更爲高大。「鐵圍山」，指小鐵圍，即一個小世界外的一重山。大鐵圍山，指大千世界外的一重山，亦即三界火宅之外圍。小大鐵圍山喻三界思惑。鐵圍山黑暗，喻思惑闇鈍。「須彌山」，此云妙高山，喻三界一切無明惑。「諸山王」，王者，謂山之大者，指須彌山與鐵圍山中間的其他七寶山，此喻塵沙惑。無此等諸山，即是五住煩惱皆究竟斷盡。移諸天人置於他土，就是因天人未斷煩惱，大根未熟，不堪見佛的法身寶塔也。又淨顯穢隱名之爲移天人，即穢而淨名之爲無惡道。淨穢皆無自性，心淨見土淨，心穢見土穢。究竟而言，一切唯心造。移天人，即是移去染穢心相；無大海山河及四惡道等，即是顯出清淨心相。「通爲一佛國土」者，謂十法界依正二報，其體即生佛平等的淨心，一切依報入於一心之體，一切淨土通爲淨心所顯佛土，無有隔別也。「寶地平正」，喻此淨心地，究竟平等，無偏無私，而能隨染淨因緣，現十法界之相用，正相契合，無有錯謬。「寶交露幔」，幔覆於上方空中，以衆寶交雜嚴飾此幔，故曰寶交露幔，徧覆其上。此喻一切大乘功德寶所成的四無量心，覆蔭九法界衆生。「諸旛蓋」，喻大乘諸定。「大寶香」，喻大

乘戒。「天寶華」，喻佛菩薩慧。「徧布其地」，喻淨心地上法爾具足三無漏學的功用。吾人修行三學，乃至三乘一乘聖道，都無非自心修作，自心成就，離心無作無成。三根聲聞弟子，聞妙法而開佛知見，回小向大，一發心即能變偏空涅槃爲莊嚴清淨國土，此是衆同分所見。妙哉一心！心作娑婆，心變淨土，此心是衆生，此心菩薩佛也。所以古德說：「百千法門不離方寸，恆沙功德盡在心源。」

### 子三、三變淨土

釋迦牟尼佛，爲諸佛當來坐故，復於八方各更變二百萬億那由他國，皆令清淨，無有地獄、餓鬼、畜生、及阿修羅，又移諸天人，置於他土。所化之國，亦以瑠璃爲地，寶樹莊嚴，樹高五百由旬，枝葉華果次第莊嚴。樹下皆有寶師子座，高五由旬，亦以大寶而校飾之。亦無大海、江河、及目真鄰陀山、摩訶目真鄰陀山、鐵圍山、大鐵圍山、須彌山等諸山王，通爲一佛國土，寶地平正，寶交露幔徧覆其上，懸諸旛蓋，燒大寶香，諸天寶華徧布其地。

### 癸五、與欲開塔

## (一) 分身還集

爾時，東方釋迦牟尼所分之身，百千萬億那由他恆河沙等國土中諸佛，各各說法，來集於此。如是次第，十方諸佛皆悉來集，坐於八方。爾時，一一方四百萬億那由他國土，諸佛如來徧滿其中。

十方分身諸佛還集，是表攝用歸體，萬行一心。「各各說法」，指諸佛在彼國土，各各為衆生說妙法後。「來集於此」，謂辭別大衆，前來此土會集。「如是次第」，謂先東方諸佛，次東南方，再南方，如是次第盡十方分身諸佛。

## (二) 與欲開塔

是時，諸佛各在寶樹下，坐師子座，皆遣侍者問訊釋迦牟尼佛，各齎寶華滿掬而告之言：「善男子！汝往詣耆闍崛山釋迦牟尼佛所，如我辭曰：少病少惱，氣力安樂，及菩薩聲聞衆悉安隱不？以此寶華散佛供養而作是言：彼某甲佛與欲開此寶塔。諸佛遣使，亦復如是。」

十方分身諸佛集坐後，各遣菩薩侍者，皆齎寶華滿掬。齎音基，付物與人之

義。掬音菊，兩手捧物之義。以寶華散佛供養，這是禮儀，也表由迹歸本，攝智用歸心體也。耆闍崛山，即靈鷲山，屬本師的化土，但佛的四土即是一土，即報而化，即化土而是實報莊嚴淨土也。「病惱」，非佛有病惱，而是衆生有病惱，則為佛之病惱也。「某甲」，是侍者稱呼彼佛的代名辭。「與欲」，是律中的羯磨法，即是同意作此事之意。諸佛與欲開塔，此表本經所說開權顯實，開迹顯本之宗要，乃十方諸佛同證同說，同令衆生捨權入實，同成佛道，同得法身之不二法門也。

## 壬三、開塔見佛

## 癸一、釋尊開塔

爾時，釋迦牟尼佛見所分身佛悉已來集，各各坐於師子之座。皆聞諸佛與欲同開寶塔，即從座起，住虛空中。一切四衆起立合掌，一心觀佛。於是釋迦牟尼佛以右指開七寶塔戶，出大音聲，如卻關鑰開大城門。

諸佛同集，與欲同開寶塔者，謂能復本心源，證悟淨心，即是顯現諸佛清淨法身。釋尊住空者，謂必須人法二空，始見無相無不相的淨心實相。又「住空」

即表中道智，空則非有，住則非空。如金剛經所說：「應無所住而生其心。」唯有無住而住，無相無不相的中道智能見法身。「右指」開塔，喻佛得根本實智後，起方便權智，二智具足，能開如來藏心，顯現法身。又右指表吉祥之意，開塔表開權，見佛表顯實，即是證信三周所說開權顯實，皆是真實吉祥也。開權顯實之妙法，為二乘所希聞，故曰「出大音聲」。能除一切執著，故曰「如卻關鑰」。淨心法身，統攝萬行，普收羣機，萬法皆從淨心法身流出，故曰「開大城門」。即是一念開出三千性相諸法；亦即由一乘開出三乘聖道，及六度萬行一切因果法，由一法身開出十法界依正果報也。

### 癸二、四衆同見

即時，一切衆會皆見多寶如來，於寶塔中坐師子座，全身不散，如入禪定。又聞其言：「善哉！善哉！釋迦牟尼佛，快說是法華經，我爲聽是經故而來至此。爾時，四衆等見過去無量千萬億劫滅度佛說如是言，歎未曾有。以天寶華聚，散多寶佛及釋迦牟尼佛上。」

此明四衆見多寶佛身，散華讚歎。「全身不散，如入禪定。」顯如來法身常

住，報身圓滿。又聞其言以下，即是由本垂迹，從體起用，讚法證信，令見聞者，歎未曾有，益顯此經之可敬信尊重也。四衆同見同聞，昔所未有之事，所以拿最好的寶華，散佛供養一體的三身佛。在此已密示後文之開迹顯本，開近顯遠，生死涅槃平等的旨趣矣！

### 癸三、二佛並坐

爾時，多寶佛於寶塔中分半座與釋迦牟尼佛，而作是言：「釋迦牟尼佛！可就此座。即時，釋迦牟尼佛入其塔中，坐其半座，結跏趺坐。」

古佛今佛，二佛並坐塔中，此正明法報化三身不二，佛身平等，不二而二，二而不二。又爲破衆生妄執釋迦實有生滅，故以多寶佛滅而不滅，顯出釋尊生即不生。若能了悟佛是不生不滅，一切諸法亦是不生不滅，即是開佛知見也。

### 癸四、四衆處空

爾時，大眾見二如來在七寶塔中師子座上，結跏趺坐，各作是念：「佛坐高遠，惟願如來以神通力，令我等輩俱處處虛空。即時，釋迦牟尼佛以神通力，接諸大眾皆在虛空。」

如方便品所說：「衆生處處著，引之令得出。」這是佛接四衆住空，即住一乘佛果之義。以神通力者，並非用六神通或什麼特別神通，而是佛有方便智力，隨順一心萬行，能隨衆生根機所宜，而說種種法，使衆生信解修習，同歸於究竟成佛之一乘佛果，同證人人本具的淨心實相。此即本經所說，佛初由實施權，後開權顯實，乃依諸法無自性義。如中論說：「若無空主義故，一切法不成。」此爲多寶佛所讚歎的平等大慧，能令見聞本經的四衆弟子，離一切執著，同住於第一義空——空而不空，真空妙有的法性淨心中。

### 辛三、勸囑宏經

**以大音聲普告四衆：誰能於此娑婆國土廣說妙法華經，今正是時，如來不久當入涅槃，佛欲以此妙法華經付囑有在。**

這是本師唱滅，勸募宏經之人。一者募誰能於此娑婆惡世廣說。二者明涅槃時至，故須付囑有在，令妙法久住於世；有在者，有宏經之人也。近指法師品初八萬大士，亦即法華會上聽經的八萬菩薩，及持品二萬菩薩，與佛所視之八十萬億那由他諸菩薩衆，皆是佛付囑在此土宏通妙法之人。遠指從地涌出品中無量久遠弟子，令其在十方世界流通妙法。

### 庚二、偈頌

#### 辛一、頌約諸佛以勸宏

##### 壬一、頌多寶佛

爾時，世尊欲重宣此義而說偈言：

聖主世尊	雖久滅度	在寶塔中	尙爲法來	諸人云何
不勤爲法	此佛滅度	無央數劫	處處聽法	以難遇故
彼佛本願	我滅度後	在在所往	常爲聽法	

以下有四十八頌，初十二頌，約諸佛以勸囑宏通妙法。後三十六頌，約法殊勝以募人宏通妙法。這三頌半，頌多寶佛本願，塔現証經聽經，以勸四衆當求法宏法。「聖主世尊」，指多寶如來，爲衆聖之主，世間所尊。以本願力，雖滅度已經無央數劫，無央數即梵語阿僧祇。在寶塔中，尙處處而往，涌現寶塔，爲聽法華經故。汝等大衆，云何可以不精勤求法及宏通妙法呢！

##### 壬二、頌分身佛

又我分身	無量諸佛	如恒沙等	來欲聽法	及見滅度
多寶如來	各捨妙土	及弟子衆	天人龍神	諸供養事

令法久住	故來至此	為坐諸佛	以神通力	移無量眾
令國清淨	諸佛各各	詣寶樹下	如清淨池	蓮華莊嚴
其寶樹下	諸師子座	佛坐其上	光明嚴飾	如夜闌中
燃大炬火	身出妙香	徧十方國	眾生蒙薰	喜不自勝
譬如大風	吹小樹枝	以是方便	令法久住	

初六頌半，頌本師為十方分身諸佛，同來欲聽妙法，及同開寶塔，親見古佛多寶如來，而有移去人天，三變淨土，諸佛集坐，光明徧照，與欲開塔等事。後二頌，頌諸佛德香普薰十方眾生，利生說法，令得法喜。諸佛之德有如大風，十方眾生好比小樹枝，枝上有風，必隨風而傾倒。此喻諸佛化人，如風靡草偃；但能見佛光明，或聞佛香（德），即種下成佛的大乘善根。有如方便品所說：「聚沙為佛塔，一稱南無佛等，皆已成佛道。這些都是諸佛度生的勝異方便，故曰『以是方便，令法久住。』」能得佛種不絕，便是正法久住故。又能令此一乘妙法流通於世，即是法住法位，世間相常住，於道場知己，導師方便說也。

### 壬三、頌勸募宏通

#### (一)募眾宏通

告諸大眾	我滅度後	誰能護持	讀說斯經	今於佛前
自說誓言	其多寶佛	雖久滅度	以大誓願	而師子吼
多寶如來	及與我身	所集化佛	當知此意	諸佛子等
誰能護法	當發大願	令得久住		

此四頌半，勸募護持讀說是經者，應當發大誓願，令此妙法久住；則古佛今佛，悉知其意，皆當為其證明也。

#### (二)釋勸募意

其有能護	此經法者	則為供養	我及多寶	此多寶佛
處於寶塔	常遊十方	為是經故	亦復供養	諸來化佛
莊嚴光飾	諸世界者	若說此經	則為見我	多寶如來
及諸化佛				

這四頌，頌宏通妙法即是護法，能護妙法即是以法供養如來；若說此經，即為具見諸佛。如何護持妙法呢？那就如前法師品所說五種法師，十種供養，皆名護法。蓋自能尊重是經，行於五法，修十供養，便能令見聞者，知是經之可尊可重。由尊重而生大乘信心，有信心才能求解，由解而起行，由行而証果，則得究

竟無上菩提，續佛慧命，是為真護法也。又此經是諸佛之法身舍利，為諸佛之所護念，所以能護此經，能說此經，則稱佛本懷，順佛本願，即是以法供養諸佛，亦即親見諸佛的法報化三身。

### 辛二、頌約殊勝以勸宏

#### 壬一、頌法勝以勸宏

##### (一)正舉難持以勸宏

**諸善男子 各諦思惟 此為難事 宜發大願**

此一頌，舉弘揚妙法，此為難事，勸發大願以宏通妙法。

**諸餘經典 數如恒沙 雖說此等 未足為難 若接須彌  
擲置他方 無數佛土 亦未為難 若以足指 動大千界  
遠擲他國 亦未為難 若立有頂 為眾演說 無量餘經  
亦未為難 若佛滅後 於惡世中 能說此經 是則為難**

這五頌，釋尊舉四事校量，說明於佛滅度後惡世中，能宏通妙法，更為難能可貴。「若立有頂」者，指色界四禪頂天。「若接須彌」者，手接妙高山也。「擲置他方」者，即遠擲他方無數佛土以外。或以足指頭，移動大千世界，遠擲他

方佛國。如是等事，雖為難有，若有神通，尚不為難。末世能說此經，尚超此四事之難，勸四眾弟子，當難說能說也。

**假使有人 手把虛空 而以遊行 亦未為難 於我滅後  
若自書持 若使人書 是則為難**

此二頌，以把捉虛空遊行，對比佛滅後，能受持書寫此經之難，勸應難書能書也。

**若以大地 置足甲上 升於梵天 亦未為難 佛滅度後  
於惡世中 暫讀此經 是則為難**

此二頌，以足甲令大地升天，對比於佛滅後暫時讀誦此經之難，勸應難讀能讀也。

**假使劫燒 擔負乾草 入中不燒 亦未為難 我滅度後  
若持此經 為一人說 是則為難**

此二頌，以入劫火中不燒，對比於佛滅後，為一人說經之難。人壽減至十歲時，為滅劫之末，有大三災，火災則能燒至初禪天為止，欲界天人六道世界盡壞，故曰「劫燒」。在此劫燒之時，有人負乾草入劫火而不燒，這還容易；求為惡

世一人說經則更難。正顯信解此經爲人講說者不易得，本師特勸弟子，應信解受持，爲人演說。尤其要對宏通法華的法師，生難遇想，起敬順心。

**若持八萬 四千法藏 十二部經 爲人演說 令諸聽者  
得六神通 雖能如是 亦未爲難 於我滅後 聽受此經  
問其義趣 是則爲難**

此三頌，以持說一切經藏，教授神通，對比能聽受信解此經之義理更難。何以故？一切經藏，俱通大小，皆帶應機施教之方便，是故尙易持說。唯有法華，開權顯實，純爲一乘實教，持解其義理則倍難也。經有八萬四千法門，對治八萬四千煩惱，故曰法藏，是佛法的總稱。何爲八萬四千法門呢？以本師爲例，說法四十餘年，談經三百五十會，一一會中皆具六波羅蜜，即成二千一百法門。一一法門皆有治衆生貪、瞋、痴及等分的功用，則成八千四百法門，每一法門皆有十如是，便有八萬四千法門的體相用矣！十二部經，即方便品所說契經等九部，加方廣、授記、無問自說等三種，共爲十二分（類）教法。二乘人雖聽聞受持爲人演說前四味教，証得三明六通，若未聞此經，仍屬小乘，居化城，住草庵。倘於佛滅後，能聞是經而解其義趣，則如前品所說：「若聞是深經，決了聲聞法，是

諸經之王，聞已諦思惟，當知此人等，近於佛智慧。」必然捨權取實，回小向大，趨於無上菩提。對比二乘人，這是難能可貴了。

**若人說法 令千萬億 無量無數 恒沙衆生 得阿羅漢  
具六神通 雖有是益 亦未爲難 於我滅後 若能奉持  
如斯經典 是則爲難**

此三頌，以在佛世能度無量衆生得阿羅漢之功德，對比於佛滅後奉持此經功德之難有難得。奉持者，依教奉行，受持不忘。若能依此經修行，所成就的功德，是自度又度人，自他同成佛道，當然比較自他皆住小乘的功德，更爲難能可貴。

（二）解釋難持之意

**我爲佛道 於無量土 從始至今 廣說諸經 而於其中  
此經第一 若有能持 則持佛身**

這一頌，是總釋難持之意，即在此經最勝第一，有持此經，即是持諸佛三身，其功德利益真是不可思議也。何以故？法華經不但在過去四十餘年，未曾顯說。就是本師在無量佛土中，從始至今，所說種種佛法，雖然無量，而這些經皆無有如此經之深談佛意，全隨自語，不隨他語者。所以本師一再明白告訴我們：法

華最第一，是諸經之王！聞此經之人，尚仍不信此經第一，那真是非愚即狂。因爲此經之體宗用三，弘經之座衣室三，即是佛之法報化三身。能持法華，便是持佛三身，佛的三身也就在你的身心中，這是如何難得之有，大家豈可不發願盡未來際受持法華呢！

### 壬二、頌人勝以勸募

#### (一)重募滅後持經之人

**諸善男子 於我滅後 誰能受持 讀誦此經 今於佛前  
自說誓言**

這一頌半，是本師以殷重心，募於佛滅後的五種法師，是人難得。勸募如有此人，亦應當殷重立誓發願，非願無以立行也。

#### (二)難持能持之人則順佛心

**此經難持 若暫持者 我則歡喜 諸佛亦然 如是之人  
諸佛所歎**

此一頌半，頌若能如前立誓，受持讀誦爲人演說此經，而又虛空有盡，我願無窮，那是最可貴可取。假如不能長期，而暫時受持宏通此經，也是順合佛心，

爲本師及諸佛所歡喜讚歎！

#### (三)能持之人則順勝行

**是則勇猛 是則精進 是名持戒 行頭陀者 則爲疾得  
無上佛道**

此一頌半，頌受持此經之人，即能順於普賢殊勝之行，是人最爲難得。何以故？普賢行，即是時空無量，方便無量，度生無量，功德無量，能受持修習法華，亦復如是。「頭陀」，是梵語杜多的變音，此云除棄。共有十二行法，如瑜伽師地論聲聞地中詳說。「疾得無上佛道」者，即是依法華行菩薩道，兼修淨業往生極樂。如普賢行願品，以十大行願導歸極樂，則可一生圓滿無上菩提，是爲疾得無上佛道也。

#### (四)紹續佛位

**能於來世 讀持此經 是真佛子 住淳善地**

此一頌，頌於佛滅後之未來世，受持讀誦此經的五種法師，是人難得，那是真佛子，具有如佛一樣的福慧功德。依天台六即佛說，乃圓初住別初地以上菩薩，名爲分証即佛，決定紹續佛位，才算「是真佛子」。「住淳善地」者，成就四



不壞信，名爲淳善。破無明証法身，法身即自性清淨心，那是淳善之地，具一切無漏功德；悟証淨心，名爲住淳善地。

#### (五)能利世間

**佛滅度後 能解其義 是諸天人 世間之眼 於恐畏世  
能須臾說 一切天人 皆應供養**

此二頌，頌佛滅後五種法師，是人難得，能利世間。「世間之眼」，指能解法華經義，便是有世間正知正見的智慧。必能具足權實二智，不落空有的中道智慧，見器、有情、正覺三世間，都是一心萬行，萬行一心的真實相，堪爲痴闇衆生之導引。譬如明眼人，能避險惡道，持誦法華的人，能自利利人，故曰「是諸天人，世間之眼。」「恐畏世」，即五濁惡世，多有衆生，不信是經，更加毀謗，故名爲恐畏世。最後一頌總結勸募五種法師，得有勝人能行勝事，則爲荷擔如來事業。若人處此娑婆惡世的大染缸，而能解能說本經，眞如運出淤泥，堪受一切天人之供養也。

### 第三章：問答研討

問：佛之十方分身，何必要佛放光照之才來？

答：十方分身佛，本不須光照而來集，但爲了使此土衆生，能遠見十方有無量國土及諸佛故，本師特放光照之，令大衆得見，若無佛光遠照，衆生何由見之。又若不光照而來，則衆生不知佛之神力，亦即不了心之妙用。今爲令衆生知佛神力及心妙用不可思議，故放光召請也。

問：欲開多寶塔，何必召集十方無量佛與欲同開呢？

答：如法華論說：「示現彼此所作業無有差別故。」十方三世一切佛，教化衆生，都是初由實施權，後開權顯實，所作相同，所謂佛佛道同也。開多寶塔即是開權顯實故。

問：何故多寶塔涌出，不變淨土，分身佛集才變呢？

答：多寶塔喻衆生自性清淨心，如來藏心，是娑婆衆生所本具，即穢之淨。此淨心在纏名爲佛性，出纏名爲法身。從地涌出，即是法身由纏而出，即穢而淨，不必變淨。十方分身佛，乃是已出纏之法身應化十方，法身清淨則國土清淨，所居大多是淨土。今分身還集娑婆，是由化身還法身，從用歸體，由萬行歸於淨心，當然須變穢土爲淨土。

問：既須變穢土爲淨土，一變即可，何須三變呢？

答：(一)約事上說十十方無量分身佛來，須三變始能容納故。(二)約表法說一本穢土是表本居凡夫地，初變表由凡夫至聲聞，二變表由凡夫至獨覺，三變則出二乘位至於一佛乘，極為滿足矣！又三變為淨者，表由三乘之權同歸一乘之實，經過三周開顯後同歸圓教一乘。如圓覺經說：「一世界清淨故，多世界清淨，乃至盡於虛空，一切清淨，平等不二。」此即是說萬行同歸淨心，心清淨則一世界清淨，乃至一切清淨，平等不二，同是淨心為體故。再說能變穢為淨，正由三昧力故。初變者是八背捨力，捨染獲淨。次變是八勝處力，能轉變自在。三變是十一切處力，隨心所欲，無量無礙。所以智論說：「八背捨是初門，八勝處是中行，十一切處為成就。」以此道理，故須三變得成就也。

問：華嚴經中，亦有十方菩薩來證所說法門，與今十方分身佛證信妙法同。何故華嚴經不言變穢為淨，而本經須三變淨土呢？

答：華嚴直被大乘根機，由盧舍那報佛說，所現即是淨土，毋須再變。本經則由釋迦應佛說，開權顯實，同歸一乘，圓被九法界根機。開小成大，即偏明圓，差即無差，會萬行歸自性清淨心，所以須變穢土為淨土。華嚴名為別圓，法華稱為同圓，正由法華即權顯實，不廢淨穢彼此等萬行差別之事相，而顯非淨非穢

，無彼無此之淨心實相。雖顯絕待同體之淨心實相，而對待之萬行萬法事相歷然，此正是事事無礙法界也。善讀經者，要達每經之體宗用各有不同，不應一讀一毀也。

**見寶塔品結要頌：**

**見塔即見淨心，此心無生無滅，  
娑婆變為淨土，淨穢由心無別。**

**佛身原是一體，應化十方無缺，  
生佛唯是一心，萬行緣起無性。**

**悟心號曰總持，無著名為般若，  
學佛全憑大願，自度度人是賴。**